



20№
өшым 25 лун
2015 во



Муыввса олөмсö вуджигöн мортыс сьолöм бердас топöглö и кодзувсö, и лежнöглысь емсö. Коми гижысь Владимир Васильевич Тиминлöн лолын гзиргаліс Кодзув... Мыйла гзиргаліс? Сійö ломалö югыд биöн! А лежнöглысь емсö сьолöманым сійö коліс нэм кежлö. Владимир Васильевич век коріс корсьны юрйыв кодзувнымöс. Ми зілям мунны сылань. Талун. Аски. Аскомьсь. Век...

Чолöмала гижны босьтчысьясöс!

Кадыс öдйö лэбö. Неважöн на быттö ошким-нимöдім том гижысьясöс литератураын медводдза воськовъяссьыс, а талун найöс арлыдаясöн нин лыддям. Коді йöзöдліс некымын книга, сійöс примитісны Россияса гижысьяс котырö, а найö водзö уджалöны-быдмöны.

А кодъяскö и чöv усины, дугдісны гижны, оз пö артмы, та вöсна оз и йöзöдны. Гижысьтö öд коркö ошкöны, а коркö и велöдöны, индöны тырмытöмторъяс вылö. Ме тадз шуа: мöдöдчин кö нин ас туйвизьöд, вöсьлав, а эн ло коньöр тусьöн.

Кывным миян озыр. Коми-роч кывчукöрын 31.000 кыв. 800 сайö ыджыд лист бок. Ставсö öти пöрийö он лыддьы, но виддавны кадысь кадö колö.

Коми да роч гижысьяс, унаöн, вöдитöны сьöрсьыныс блокнот, кытчö дженъыда пасьялöны кывлöмторъяс вөр-ва йылысь, йöзлөн оланног йылысь, а сідзжö новлан паськöм, сёян-юан, вöралöм да чери кыйöм, шусьöг, кывйöз, васа, вöрса, олöма йöзлөн сёрни, йöзкостса творчество да сідз водзö. Тайö, ас кадö, коркö ковмас. Мед кывбуръяс гижан, проза — пасйöмъясыд вермасны ёна отсавны.

И нöшта: зільöй веськавны быдвöся Гожся университетö. Сэні тöдмаланныд уна колана вельтор, тöдмасынныд гижны босьтчысьяскöд.

Сиа творчествоаныд бур вермöмъяс. Ёна окотитад кö, ставыс артмас.

Владимир ТИМИН
Гаръя сикт, 2014.06.10



КЫВ ГӨРДДЗЫМ

Из да Енкöла костын



Олöмным — помасьлытöм вокзалъяс, тырсьыс-тыр йöзөн поездъяс... Таын выйим ыджыд чудö — весиг öти морткöд варовитöмыс вайö юлысь тувсовъя визув, выль сынöд. Колö вокзалын век виччысьны поезд. Тшöкыдджыка Удораö.

Усис кöч пель пасьта лым.

— Ноябрь, тайö тэ?

— Ме, ме — шöпкöдiс пелям шоныд еджыд пася ноябр...

Вокзалса ыджыд часi улын сулалiс чемодана морт — коми ги-жысь Елена Афанасьева. Сийö виччысис менö. Паныдасим да нöшта на видзöдыштiм коръя лым вылас. Лым чиръяс ньöжйö усисны, быгтö енэжсянь кодiкö (гашкö, поэт) гылöдiс му вылö еджыд каба-ла, медым Коми муын чужисны ичöтик кодзувъяс, кодъяс эськö мяян литератураö пыртiсны выль тöвру. Шоныдсьыс-шоныд... Сийö ты-давтöм поэтыскöд ми мöвпалiм öтмоза... Кымынкö здук мысти ме та йылысь тшöтш гижж...

Со ми поездын. Век на эг висьтав, кыгчö ми мунам?! Елена Евге-ньевнакöд мöдöдчим Удора районса Косланö, кöни А.Е.Ванеев нима шöр библиотека сизимöдысь чукöртiс том литераторьясöс. Зэв окота вöли паныдасыны челядькöд, öд найö зильöны кыв пыр, серпас пыр вежöртны асьнысö, олöмсö. Челядьлы котыртöм слётсö нимтöмаöсь «Из да Енкöла костын». Мыйла тадзи? Ме тöдi, мый татшöм юалö-мыс тэнад чужас, дона лыддысьысь. Гөгөрвоöда, а тэ виччысьлы тулыссö, и кор нин сылас лымйыс, тэрмась котöртны ю дорö öкты-ны изъяс. Да-да, изъяс. Изйын олö помасьлытöм мöвп. Мöвпыс мортсö киöдыс новлöдлö Енкöлатi. Позьö весиг веськавлыны мукöд Енкöлаö. Тайö ставыс лолыдлы сетö визув, вöрзьöдö сьлöм пытшкöссьыд быд пельöс. Изйыс тэчö лолыдлы туй. И колö кужны сэтi вöсьлавны, öд изйыс корсьурö дзик йизьöма, а корсьурö и — пымсьыс-пым... Видлы мунны. Со и мöвпав.

Косланö чукöртчисны коми и роч томуров. Миянлы мойвиис накöд





уджавны дзонь лун: видлалім гижөдъяс, варовитім литература йылысь, творческой уджъяс отсөгөн гөгөрвоим челядълысь мөвпаланногсө. Мый миянос чуймөдис? Челядълөн ловныс сөстөмсыс-сөстөм. Найө лөсыда дасътысьомаось аддзысьлөм кежлас. Ставныс зильомаось вөчны гортса удж. Весиг бать-мамныс налы отсасыштөмаось. Сидкө, челядлы абу веськодъ чужан кывныс. Найө воисны петкөдлыны ассыныс медбур уджъяссө.

Изъяс йылысь варовитигөн том литераторъяслөн мөвпъясысь лои гөгөрвоана, мый найө кужисны изсө ловзөдны, весиг вермисны шуны, мый йылысь думайтө изторйыс налөн кыин. А вөлөмкө, изъясид оз сөмын куйлыны берегын, а найө мөвпалөны сы йылысь, кыдзи бөр, шуам, воөдчыны чужан муаныс. Челядъ висътасисны, мый найө, вөвлөм кодзувъяс, коркө асланыс югыдөн видзөмаось мортөс, но воөма кад волыны му вылө. А мыйла? Найө кокниа вочавидзисны: мед нуны енэжас кутшөмкө төдөмлун. Но мыйта кад колө изйыслы куйлыны берегас, мед босътны колана төдөмлунсө да бөр бергөдчыны гортас?!

Вөлөмкө, изъясис — тайө коддөнкө казытылөмъяс. Кыдзи вермас тадз лоны? А челядъ быттьөкө төдөны излысь кывсө и бара на сюся вочавидзөны, мый серпасъясыс из вылас — тайө и эм казытылөмъяс. И ми вермам найөс вуджөдны чужан кыв вылө да юксыны мукөд йөзкөд. Медся чуймөдис сийө, мый унаөн пасйисны — изйыслы колө мортлөн инмөдчөм. Кытысь тайөс казялисны челядъ?! Удораса томулов зэв сюсьөсь! Найө кужисны восьтыны ичөтик өшиньяс мукөд Енкөлаө. Кутам надея кутны, мый быдөн аддзас ассыс туй да кылас Кывийыслысь чуксалөм. Сөмын восьлалысьыс вуджас туйсө. Мөвпалөмөн. Кывсө ас пытшкын быдтөмөн.

Зэв ыджыд аттьө А.Е.Ванеев нима шөр библиотекаөн веськөдлысь Алина Робертовна Ванеевалы да сэтчөс уджалысьяслы, кодъяс пуктөны төдчана пай, медым сөвмөдны Удора муын литература. Найө век майшасьөны, төждысьөны томулов вөсна, өтувтөны найөс, пөртөны олөмө уна сикас проект да зильөны сетны челядлы енэжас кодзувъяслысь дзирд.



Елена Афанасьевакөд бара нин вокзальнөсь, виччысям поезд... Меным сийө здукас окота лои аддзыны, кыдзи вокзалса өдзөссө восьтө меным зэв матысса морт, кодөс эг паныдавлы уна во. Мый сөмын моргыд оз думайт! Бөръя здукөдзыс сийөс виччыси. Сийө аддзис менө. Кывбурөн.

Удора, Удора... бара на чудө восьтін. Кыдз и аттьөавны тэнө? Сөмын өти вочакыв и выим: тшөкыдджыка волыны тэ дорө, сөвмөдны коми кыв да литература.

Любовь АНУФРИЕВА,
коми гижысь,
Иван Куратов нима
музейын уджалысь.



ЛИТО-АРТ-ЛЫ КЫВ

Мый сэтшөмыс муслун? Кыдзи сийö чужö? Когі сьөлөмсянь сьөлөмөдз нюжөдö сөмын кык мортлы тыгалысь öшкамөшка-поссö?

Та вылö вочакывсö йöз корсьöны нэмьяс чөж. Муслунсö лыггьöны медводдза лым вылысь, кагук синмысь, кыа вөннысь... Та йылысь гуся сёрни нүөдöны кывбурьясас Татьяна Кирпиченко, Алёна Старцева, Татьяна Шахова. «Муслун» ним улын öтувтöм куим торья небöгын петкөдчысь радейтöмыс быг авторлөн аслыспөлс, но век жö зэв матыс...

Муслун...

Татьяна Кирпиченколөн кывбурьясыс сьөлөмаөсь, меліөсь... Сийö оз шу веськыда: «Ме тэнö радейта». Муслунис тыдовтчö олөмыслы радлөмын, ичöt кагук сингясөн моз ас гөгөрсö аддзöмын. Кывбур герой ас кежысь, чöла, радлö быд звуклы, вөр-ваөн ыстөм быд ичöt козинлы: «...кыалөн усьöм вуджөр Изьваын куйлö чöv...», «...медводдза лым — быгттьö енэжсянь ыстөм сөдз кабаала...», «...гöгрөс гоб-тупылёк радпырысь шонöдчис дзирьд югөрьяс улын...». Олөмыслөн öти звукö дзёбөм мичсö Тая кöсий козынавны тшöтш лыддысьсысьлы. Автор корö миянөс сувтыштлыны, медем казавны ыджыдсö ичötторйысь.

Виччыся

Кодкö шулöма тэнö виччыны,
Ломзгысь кодзувьяс костысь видзöдны,


Öти сынöдөн öтвыв лолавны.
Уна бөрдывлі: «Енмö, колö-ö?»

Лэбысь вояслы паныд кевмыси:
«Сöмын шу меным, Енмö, верма-ö?»

Шондi югөрөн ловби мыгчысис —
Югыд кывбурын тэнö виччыся.



Волы да пуксьыв бокам,
Енэжыс сөдз да ясыд.
Бобувкөд öтвыв лэбзиям
Корсьны меддженыйд вöt.
Тшöкыда тэнö кыла,
Сылöны гусьөн вояс,
Сöмын оз вунлы синмыд...
Волы, ме тэныд лыддя
Ассьым меддженыйд кывбур:
«Нэмöс кыз овны тэтöг?»



Алёна Старцевалён кывбуръясыс югыдось, кыпыдось. Наын кылö тув-совъя ру. Тулысыс, мортыслөн вөр-ваыскöд ловзьöмыс, радейтны окоталуныс оз тöр ичöтик кывбурö, петö ортысö: «...енэж польдiс, польдiс, польдiс, чардби лöсыштöмысь потiс...», «...шондi-мамнымлөн югыд нывпиян, бурö эскöмөн пытшкöссиянь öзъям...», «...гожъялöм сёлöмö ылькнитiс пöтöса арыс...». Кывбур герой юксö лыддысысыскöд ставнас — и радлуннас, и шогнас. Сийö ачыс восьса олöмыслы, пыр-пырыс нуöдö быд лоомтор, быд кыв, и кывбуръясас тшöтш ставыс восьса, ясыд, гөгөрвоана. Алёна веськыда шуö, мый комилунын, челядь дзользьöмын, донан йöз синъясын дзесбöма мортыслөн шудыс!



Н. Куратовалы

Кодзулыс усьö
да веськалö чужысылы сёлöмас —
Пытшкöсса югыдөн ловзьöдö
кагуклысь син...
Кодлөнкö кодзулыс кусö
да пыркалö чöв-лөняс.
Кодлөнкö олөм чöж
сёлöмсыс биыс оз чин.

Купальнича пывсянын
Небзьöдышта лысьöмөс.

Висьöмъясöс шлачöда,
Пöрысьлунöс мачöда.

Чукуръясöс койышта —
Пузчужöмъя томмышта.

Коилипысь чöскыд серамсö нылышті.
Шобдiлысь небыд юрсисö сынышті.
Эжвалысь сöстөм синвасö юышті.
Пелысылысь кумач бан боксö нюлышті.
Öмидзлысь юмов вом дорсö окышті.
Чöдлачысь югыд синъяссö вотышті.

Сёлöмын вөр-ва ёкмывлөс новлөдлі.
Чужис, да зарни потанö водтöді.

5



Татьяна Шаховалён кывбуръясыс образнойöсь, сераджыкöсь. Найö тырöмаöсь мичлунөн. Кывбур герой оз прöста нимкодясь Коми муөн, а серпасалö ас гөгöрсö мойдын моз. Мичкывъяс Танялы сюрöны весиг сиктсаяслөн удж йылысь да йöзлы отсасысыс йылысь висьталiгөн: «...лышкыд киа, тыра нопъя Моз...», «...öвадысь да жарысь мынөм бöрын шойчöны рам мöсьяс, шы ни төв...», «...тольскö-кылö көнкö лэчтан шы, водас турун лэчыд коса улö...». Кывбуръяснас Таня кöсийö шуны, мый вир кисьтöм, сиктъяс кусöм да чужан мулысь медыджыд озырлунсö — вöрсö — бырöдөм чегö асьсö мортсö. Автор серти, сöмын öта-мöдкöд да вөр-вакöд ладөн олөм ваяс шуд.

Кышакылö гусьöникөн вөр,
Синва моз дзик гылалöны коръяс.
Төвбыд кымö кушмөм турдөм ньөр —
Садьмодасны тувсов бузгысь шоръяс.

Кöдзыд

Додьяс дзуртöны, торкöны чöв,
Лунтыр репасын таръяс и сёлаяс.
Жоньыс пу вылын быттöб эз вöv,
Лэбис кöдзыдас — локтöны вöлаяс.

Йöзсö керкаö некыдз он йöрт,
Налөн бандзибъяс — жонь морöс кодбöсь.
Кöть и ывлаас потласбö көрт —
Турун вайöны ю дорысь додбөн.

Ловзьöдас и небыдик лун төв
Енэж тюркiйö качөм мелi шондi,
Тулыс важсыс уна-уна пöv
Веж коръясөн пушкыртнысö пондас.

Кыддза раскыд вöрад — вичко шөр,
Лолыд мортлөн кыпалö да мичмö.
Коми йöзлы шудыс — Парма вөр —
Мичлуннас да озырлуннас вичмис.

Литература во меодз эз и во!..



Потанын на куйлигөн пöль-пöч, мам-бать тöдмөдöны челядсö литератураон: мойдöны, öввö сьылöны... Ичöт-сянь миянöс велөдöны радейтны небөгъяс, а найö велөдöны миянöс овны. Оз öд прöста шуны, мый литература — олөмө велөдан небөг. Сийö сөвмөдö мортлысь оз сöмын төлклун да кужанлун мыйкө вöчны, но и пытшкөсса озыр-лунсö. Вöзийö олөм вылө аслыспөлöс видзöддас, восьтö выль сьөлөмкылөмъяс да мөвпъяс, отсалö венны мытшөдъяс да бöрийны веськыд туй.

Быд во канму унджык тöждлун сетö öти йöзкотыр юкөн-лы: том войтырлы, спортлы да с.в. 2015 во вöли сйöма литературалы. Тайö сйöмнас канму кöсйис матысмöдны литературасö том йöз динö да усыкөдны тöд вылө, мый миян кывным мир пасьта медся мича да озыр! Та вöсна Россия пасьта вöли лöсьöдöма зэв уна мероприятие. Правительствo кутис лача сетны организацияслы отсөг, кодъяс асьыныс олөмсö йитöмаöсь тайö юкөнныскöд.

И збыль, миян республикаын вöли нуөдöма уна колана да гажа мероприятие, кодi чукөртис ас гөгöрыс уна енбиа войтырöс, донъялис налысь тшупöдсö да сетис позянлун сөвмыны водзö.

Зэв рад, мый меным удайтчылис сунсывны та сяма мероприятиесö, но Литература во матыстчö нин помлань, а уна тöдсалы татшөм шудыс сiдз эз и во. Ме чайта, мый не сöмын миян оланiнын эз вöв небөгъяслы котыртөм гажыс, но и мукöд сикт-грездö эз жö игöдчы Литература во, а гашкө, и игöдчылис, да эз восьтыны.

Öти ногөн кö, дерт, кодлөн эм интерес, аддзасны петан туй и воасны аслас кöсйөмөдз, но öд мукöдыслөн абу татшөм вермөмыс да кöсйөмыс, татшөмъяссö эськө и садьмөдiсны Литература волөн котыртөмъяссыс, гөгөрвоөдiсны налы, мый литература вайö миянлы уна бур тöдöмлун да сьөлөмлы колана кöрым.

Мыйла Литература во мукöд дорö эз и во? Кодi мыжа да мый вöчны? Тайö Россиялөн уна нэмчöжся юалөмъяс, кодъяс вылө вочавидзны абу кокни. Ме вои кык пома бөдь кодъ вочакыв дорö: öти-кö, гашкө, мыжаöсь организаторъяс, кодъяс эз пыдди пуктыны вылыс тшупөддысь корөмсö, а гашкө, и чина йöз эз отсавны налы сьөмөн, медем лöсьöдны татшөм чукөртчөмсö. Мөд-кö, ме думысь, медлөкыс сийö, мый йöзыс асьныс некутшöма оз водзмöстчыны татшөмсыма мероприятиеас. Налы абу окота аслыныс мыйкө вöчны, шыöдчыны, вöзийыны мөвпъяссö организаторъяслы: клубса, библиотекаса, музейса уджалысьяслы либö чинаджык йöзлы.

Водзö вылө мед дугдыны джөмдасьны татшөм мытшөдъясö, колö öтувтчыны чина да прöстöй йöзлы, кужны кывны ёрта-ёртнымöс. Лоны зильджыкөн да пыр лэптыны юрнымöс колана чукөртчөмъяс лöсьöдөм вылө. Окотапырысь юксыны мөвпъясөн да кöсйыны вежны олөмнымöс бурлань, не повны выльтор пыртөмысь да став сьөлөмөн радейтны Чужан мунымöс — сэки ставыс артмас!


Катя МАТВЕЕВА, 17 арöс, Емгiн район, Семуков сикт.



Төвсә мойҥ



От гора



Ки пыдос влын моз



АРТПИЯН

«Арт» журналлөн вель авторъяс

Таво «Арт» журнал нудіс челядь костын «АРТпиян» литература конкурс. Колö вöлі гижны Коми му йылысь. Журилы, кытчö пырисны культураын уджалысьяс, гижысьяс да журналистъяс, колö вöлі бöрийны вермысьöс кум номинация серти: поэзия, проза да туялан удж.

Конкурс вёлö воис нелямын удж. Талун «Ы» газетын ми вöзъям тиянлы конкурсса лауреатлысь, Луздор районса Сернöс шöр школын велöдчысь Люба Сердитовалысь, «Медся мича кад» висьт.



Снимокъс Ирина Калининлөн

Менö шуöны Сердитова Любаöн. Меным 15 арöс. Велöдча Луздор районса Сернöс шöр школын 9 классын. Рагейта лыгдьяны небöгъяс, ветлыны спортивной секцияö, велöдлыны оргйысьöмъяс вёлö.

Медся мича кад



Кутшöм мича менам чужан муöй – Коми муöй! Кымынысь сійö вонас вежсьö-вöччö. Быд пöрийö сылөн мичлуныс аслыспöлöс, быттö быд пöрийö пансьö вель сыланкыв. Он куж весиг шуны, кор сійö мичаджык: тулысын али арын, гожöмын али тöлын. Вайö видзöдламоё отлаын, гашкö, кужам бöрийны медбур да медмича кадсö.

Тулыс. То тани, то сэни ылісянь тыдалöны ярьюгыд шондиторъяс. Тайö вижьюръяс восьтöмаöсь ассыныс синъяссö, оз повны кодзыдысь, тэрмöдлöны тулыслысь воёмсö. Пуксьöмаöсь би сутуга вёлö скворечьяс. Оз на гораа шыасьлыны, сöмын на воисны да. Регыд нин лымйыс исковтас юö, сэтчö жö котортасны и варова бузгысь шоръяс. Сё майбырöй, гөгөр ставыс ловзьö! Со медводдза тувсовъя зэр мыськö вөр-васö. Син водзын веждö гөгөрбок, пуяс вылын небыдик коръяс чургöдчöмаöсь, му вольсасьö вель вöсньыдик эшкынöн. Чужöмад небыдика öвтыштывлö тöврукöд öттшöтш льöм дзоридз көр. Кыскыштан ас пытшкад көрсö, юрид кольмö... Сьöлөм вылад долыд да гажа.

Он и тöдлы, кызди тулыссö вежас гожöм. Пуксясны көка войяс. Енэжыс лоас вылын-вылын, сөстөм, сөдз. Удитлö-ö шойччыштны тайö кадас шондыс? Сöмын здук кежлö саймовтчывлö вөр сайö. Здук кежлö жö лöньлöны и лэбачьяс. Небыдик тöвру улын мыйкö шöпкөдöны öта-мöдыслы пуяс. Видзьяс дзоридзьясöн тыр. Со татчö катшасинъяс чукöртчöмаöсь, на пöвстын купальнича виждö, а сэни – бобöнянь чукөр. Кузь турун пöвстын гут-гаг зыньгö, мазі-бобув лэбалö. Вөр бокын öвтыштлö оз дукöн, кисьмöма нин, тыдалö. Нюрын, дерт, сярвидзö шондi рöма мырпом. Воис вотчан кад. Некод оз лок вöрысь вотöстөг да тшактөг.

Арыс аслас мичлунас ньöти жö оз кольчы мукöд кадысь. Гашкö, мөдарö, ёнджыка на тшачитчö. Вöрыс пöртмасьö гөрд, виж, зарни рөмъясöн. Пельсь сотчö, быттö бишур, пишу сы моз жö ышнитöма, на костын зарни сарапана кыз нюмъялö. Сайсяныс турунвиж козъяс да ньыв пуяс зымвидзöны. Шондiа гажа лунö тöv пöльыштлөм бöрын коръяс йöктöны сынöдас. А сэсся вевттöны мусö уна рöма эшкынöн. Восьлалан вöртi: «шурк-шарк, шурк-шарк». Абу кузь татшөм кадыс, сійöн и тэрмасян нимкодясьны став сьöлөмсянь.

Тöвнад, майбыр, он жö гажтöмтчы. Көнi эськö и усяс сы мында лымйыс, да пöльтас джуджыд толаяссö, оз кө миян Войвылын. Гашкö, кодкö шуас, сöмын еджыд рöма пö тöлыд, да ошйысьнысö нинöмөн. Но энö на тэрмасьöй, тöвнад быдсяма рөмтö жö аддзан. Гөрдөн и лөзөн, вижөн и турунвижөн ыпгьялö лымйыс, быттö кодкö койыштöма еджыд лым вылас быдсяма дона иссö. Дзирдалö-югьялö тövся югыд шондi водзын. Койыштан тайö здукас лымсö сынöдас, ышнитас син водзад лым бусыс. Дзуртö-сьылö кок улад лым. Ок, и лöсьыд! Көдзыд войясö енэжыс кодзулөн тыр. Дзирдалöны-вежласьöны кодзувъяс, югзьöдöны эрдъяс, юяс, вөр. Аддзан öмöй татшөмторсö кыськö мöдлаысь?

Нельысь вежсис ывла, вөр-ва. Кутшöм жö кад медся мича?

Любовь СЕРДИТОВА

Редколлегия:

Елена Афанасьева, Алёна Нестерова,
Павел Симпелев, Мария Игушева.

